

欽定四庫全書

子部

本草綱目卷十五



南京中医药大学图书馆版权所有

詳校官太醫院恩糧臣袁天錫

編修臣倉聖脈覆勘

欽定四庫全書

本草綱目卷十五目錄

草之四

隰草類上五十三種

菊 本經

野菊 拾遺

菴蘭 本經
對廬附

蓍 本經

艾 別錄
夏臺附

千年艾 綱目

茵陳蒿 本經

青蒿 本經

黃花蒿 綱目

白蒿 本經

角蒿 唐本

蘼蒿 拾遺

馬先蒿 本經

陰地厥 圖經

牡蒿 別錄

九牛草 圖經

菟蔚 本經 即
益母草

鑿草 拾遺

薇蕨 本經 無
心草附

夏枯草 本經

劉寄奴草 唐本

曲節草

圖經 即
六月霜

麗春草

圖經

旋覆花

本經

青箱子

本經 陶朱術鴈來
紅天靈草思棠子附

雞冠花

嘉祐

紅藍花

開寶

番紅花

綱目

燕脂

綱目

大薊小薊 別錄

續斷 本經

苦苣 別錄

漏蘆 本經

飛廉 本經

苧麻 別錄

苘麻 唐本
即白麻

大青 別錄

小青圖經

胡盧巴嘉祐

蠡實本經即馬蘭子必似勒附

惡實別錄即牛蒡

菰耳本經即蒼耳

天名精本經即地松鶴蟲

豨薺唐本

箬綱目

蘆 別錄

甘蕉 別錄

蘘荷 別錄

麻黃 本經 雲
花草附

木賊 嘉祐
問荊附

石龍芻 本經 即
龍須草

龍常草 別錄 即
櫻心草

燈心草 開寶

右附方舊一百四十四新二百八十六

本草綱目卷十五目錄

欽定四庫全書

本草綱目卷十五

草之四

隱草類上
五十三種

菊

本經
上品

釋名節華

本經

女節

別錄

女華

別錄

女莖

別錄

日精

別錄

更生

別錄

傳延年

別錄

治瘡

爾雅

金蕊

綱目

陰成

別錄

周盈

別錄

陸佃

埤雅

云菊本作鞠從鞠鞠窮也月令九月菊有黃華華事至此而窮盡故謂之鞠節華之名亦取其應節候也

明 李時珍 撰

崔寔月令云女節女華菊華之名也治籬日精菊根之名也抱朴子云仙方所謂日精更生周盈皆一菊而根莖花實之名異也頌曰唐天寶單方圖載白菊云原生南陽山谷及田野中潁川人呼為回峰菊汝南名茶苦蒿上黨及建安郡順政郡並名羊歡草河內名地薇蒿

集解

別錄曰菊花生雍州川澤及田野正月采根三月采葉五月采莖九月采花十一月采實皆陰

乾弘景曰菊有兩種一種莖紫氣香而味甘葉可作羹食者為真菊一種青莖而大作蒿艾氣味苦不堪食者名苦蕒非真菊也葉正相似惟以甘苦別之南陽酈縣最多今近道處處有之取種便得又有白菊莖葉都相似惟花白五月取之仙經以菊為妙用但難多得宜常服之藏器曰白菊生平澤五月花紫白色頌曰處處有之以南陽菊潭者為佳初春布地生細苗夏茂秋花冬實然種類頗多惟紫莖氣香葉厚

至柔者嫩時可食花微大味甚甘者為真其莖青而大葉細氣烈似蒿艾花小味苦者名苦蕒非真也南陽菊亦有兩種白菊葉大如艾葉莖青根細花白蕊黃其黃菊葉似茼蒿花蕊都黃今服餌家多用白者又有一種開小小花瓣下如小珠子謂之珠子菊云入藥亦佳宗奭曰菊花近世有二十餘種惟單葉花小而黃綠葉色深小而薄九月應候而開者是也鄧州白菊單葉者亦入藥餘皆醫經不用瑞曰花大而白者為甘菊花小而黃者為黃菊花小而氣惡者為野菊時珍曰菊之品凡百種宿根自生莖葉花色品不同宋人劉蒙泉范至能史正志皆有菊譜亦不能盡收也其莖有株蔓紫赤青綠之殊其葉有大小厚薄尖禿之異其花有千葉單葉有心無心有子無子黃白紅紫間色深淺大小之別其味有甘苦辛之辨又有夏菊秋菊冬菊之分大抵惟以單葉味甘者入藥菊譜所載甘菊鄧州黃菊鄧州白者是矣甘菊始

生于山野今則人皆栽植之其花細碎品不甚高蕊如蜂窠中有細子亦可捺種嫩葉及花皆可煉食白菊花稍大味不甚甘亦秋月采之菊之無子者謂之牡菊燒灰撒地中能死鼃龜說出周禮

花葉根莖氣味苦平無毒別錄曰甘損之曰甘者入藥苦者不入藥杲曰苦甘

寒可升可降陰中微陽也時珍曰本經言菊花味苦別錄言菊花味甘諸家以甘者為菊苦者為苦蕒惟取甘者入藥謹按張華博物志言菊有兩種苗花如一惟味小異苦者不中食范至能譜序言惟甘菊一種可食仍入藥餌其餘黃白二花皆味苦雖不可餌皆可入藥其治頭風則白者尤良據此二說則是菊類自有甘苦二種食品須用甘菊入藥則諸菊皆可但不得用野菊名苦蕒者爾故景煥牧豎閑談云真菊延齡野菊泄人正如黃精益壽鈎吻殺人之意之才曰术及枸杞根桑根白皮為之使

主治諸風頭眩腫痛目欲脫淚出皮膚死肌惡風濕

痺久服利血氣輕身耐老延年本經療腰痛去來陶陶

除胸中煩熱安腸胃利五脉調四肢別錄陶治頭

目風熱風旋倒地腦骨疼痛身上一切游風令消散

利血脉並無所忌甄權作枕明目葉亦明目生熟並可

食大養目血去翳膜元素主肝氣不足好古

白菊氣味苦辛平無毒

主治風眩能令頭不白弘景染髭髮令黑和巨勝茯苓

密丸服之去風眩變白不老益顏色

藏器

發明

震亨曰黃菊花屬土與金有水與火能補陰血故養目時珍曰菊春生夏茂秋花冬實脩受四

氣飽經露霜葉枯不落花槁不零味兼甘苦性稟平和昔人謂其能除風熱益肝補陰蓋不知其得金水之精英尤多能益金水二臟也補水所以制火益金所以平木木平則風息火降則熱除用治諸風頭目其旨深微黃者入金水陰分白者入金水陽分紅者行婦人血分皆可入藥神而明之存乎其人其苗可蔬葉可啜花可餌根實可藥囊之可枕釀之可飲自本至末罔不有功宜乎前賢比之君子神農列之上品隱士采入酒筴騷人餐其落英費長房言九日飲菊酒可以辟不祥神仙傳言康風子朱孺子皆以服菊之貴重如此是豈羣芳可伍哉鍾會菊有五美贊

云圓花高懸準天極也純黃不雜后土色也早植晚
發君子德也冒霜吐穎象貞質也盃中體輕神仙食
也西京雜記言采菊花莖葉雜
秫米釀酒至次年九月始熟用之

附方

舊六新十六

服食甘菊

玉函方云王子喬變白增年
方用甘菊三月上寅日采苗

名曰玉英六月上寅日采葉名曰容成九月上寅日
采花名曰金精十二月上寅日采根莖名曰長生四
味並陰乾百日取等分以成日合搗千杵為末每酒
服一錢七或以蜜九梧子大酒服七九一日三服百
日輕潤一年髮白變黑服之二年齒落再生五年八
十歲老翁變為兒童也孟詵云正月采葉五月五日
采莖九月服食白菊
太清靈寶方引九月九日白菊
花二斤茯苓一斤並搗羅為末
每服二錢溫酒調下日三服或以煉過松脂和九雞
子大每服一九主頭眩久服令人好顏色不老藏器